

АВ

Мың жасаған шаһардың шамшырағы



ҚОҒАМДЫҚ-САЯСИ ГАЗЕТ

АЛМАТЫ

АҚШАМЫ

№56 (5249),
12 мамыр, бейсенбі, 2016 жыл.

almaty-akshamy.kz E-mail: almaty-aksham@mail.ru

Газет 1988 жылдың
1 шілдесінен бастап шығады



ISSN 2223-2370



9 772223 237006

● ҚАУІП ҚАЙДАН?

ҚАЛА-ҚАРБАЛАС

3

**Кеңейтілген
ауылшаруашылық
жәрменкесі өтеді**

ҚАЛА ЖӘНЕ ҚҰҚЫҚ

6

**ҚОҒАМДЫҚ КЕҢЕС
ҚАҒЫЛЕЗДІК
ТАНЫТАТЫН
БОЛАДЫ**

ҚАЛА ЖӘНЕ ИМАН

10

17.55 "Тур де Хэбэр"
18.25 Телехикая "СҮРБОЙДАҚ"
20.00, 00.00 Қорытынды жаңалықтар
20.30 "Бетпе-бет"
21.00 Итоги дня

06.00, 08.30 "Күнбастар"
06.30, 12.30, 02.40 "Айнаonline"
07.00 Сериал "ҚҰРБЫЛАП"
07.30 Сериал "ҚАРАГҮЛ"

07.00 КР ӘНУРАНЫ
07.00 Әзіл - күлкі "No comments" (каз.)

НТК

08.30 "АЛАШ ВОЛМА, ЖАҢЫМ" түрік
телехикаясы
08.30 ЖАҢАЛЫҚТАР (повтор)
09.00 "ФАТМАГУЛДІН ЖАЗЫҒЫ НЕ?" түрік
телехикаясы (повтор)
10.00 ТІЛІС ЛЮБОВЬ, мелодрама (15-16
серия)

21.30 «Алматының тарихы» ориг
22.00 «Городские легенды». Сериал. 20 серия
22.25 «Почему я?» Мария Федорова ориг
22.50 «Кең ауқымда». Деректі сериал. (АҚШ,
2010 ж.) 33, 34-бөлім
00.00 Қорытынды жаңалықтар (қайталау)
00.30 Итоговые новости (повтор)

ИСЛАМДЫҚ ҚАРЖЫЛАНДЫРУ – БОЛАШАҚ КЕПІЛІ

Әл-Фараби атындағы Қазақ ұлттық университетінің «Кеден, қаржы және экологиялық құқық» кафедрасы және заң факультетінің «Құқықтық тәрбие орталығының» бірігіп ұйымдастыруымен «New Finance» ЖШС-нің негізін қалаушы және төрағасы Алим Тимур мырзамен кездесу өтті. Аталған игі іс «Мемлекеттік қаржылар саласындағы басқару және исламдық қаржыландыру мәселелері» деген тақырыпта айышталды.

Кездесудің негізгі мақсаты – магистратураны және заң факультетін бітіруші болашақ заңгерлерге мемлекеттік қаржылық басқарудың бүгінгі өзекті мәселелерін талқылау, соның ішінде қаржылық басқаруды жүзеге асыратын өкілетті органдардың қызметінің негізгі бағыттарын зерделеу. Сонымен қатар, мемлекетіміздің жалпы қаржы жүйесіне исламдық қаржыландырудың тигізетін әсерін айқындау алға қойылды.

Алим Тимур мырза исламдық қаржыландырудың пайда болуы мен тарихы, Қазақстан Республикасында исламдық қаржыландыруды ендіру мен дамыту себептерін слайд арқылы дәлелдеп, Малайзия, АҚШ, Біріккен Араб Әмірліктері сияқты шет мемлекеттердің исламдық қаржыландыруға байланысты оң тәжірибесін алға тартып, тыңдаушылар арасында аса қызығушылық танытты.

Бүгінгі таңда еліміз отандық нарыққа ислам қаржысын ендіру болашағы мен мәселелеріне зор қызығушылық танытатыны сөзсіз. Оның үстіне Елбасы Нұрсұлтан Назарбаев Қазақстанның 2020 жылға дейін ТМД және Орталық Азияда исламдық банк жүйесін құру орталығына айналу және Азиядағы жетекші қаржы орталықтардың ондығына кіру қажеттігін Үкіметке жүктеген болатын. Осы бағытта бірқатар шаралар атқарылды. Мәселен, еліміздегі ислам банктері мен исламдық қаржыландыруды ұйымдастыру мәселелері бойынша заң нормалары қабылданды. Исламдық қаржыландыруды дамыту жөніндегі 2010-2020 жылдарға арналған Жол картасы бағдарламасы да іске асырылды. 2011 жыл Қазақстан Республикасының Ұлттық банкінде Исламдық қаржыландыру кеңесі

құрылды. Тұңғыш ислам банкі – «Ал-Хилал» бүгінгі таңда Астана, Алматы және Шымкент қалаларында жұмыс істеуде. Сондай-ақ, Қазақстан Республикасының Ұлттық Банкі мен Сауд Арабия Корольдігі арасында техникалық көмек гранты және Ұлттық банк пен Ислам даму банкі арасындағы мамандар дайындау мен тренинг бойынша ынтымақтастық туралы екі маңызды келісім-шартқа қол қойылған болатын.

Қазақстан өзге елдердің тәжірибесін зерттеу үдерісін әлі жалғастыруда. Дегенмен, ендігі кезең – исламдық қаржыландырудың елімізде толыққанды жұмыс жасауы үшін заңнамалық тіректерді қамту болып отыр.

Алим Тимур мырза исламдық қаржыландыру, ең алдымен, екі тараптың арасындағы бизнестік қарым-қатынастың тең, әділетті және адамгершілік қағидаға негізделетінін және ислам банкингіне қанша адам қаражат сұрап келсе, соның барлығына бірдей жағдай жасап, тең қарым-қатынас көрсету негізі басты шарт болатынын айтты.

Шариғат заңдары бойынша үстеме пайызға тыйым салынған, яғни, басқа біреуге қаражат беріп, оның үстінен өсім алу харам болып саналады. Әрине, ислам банкі жүйесі де – коммерциялық құрылым. Ислам банкі де пайда табуы керек. Бірақ, бұл пайда дінге негізделген құндылықтар мен нормалар жүйесіне, сондай-ақ, ислам әлеміндегі дәстүрлерге арқа сүйейді.

Қазақстан Республикасына исламдық қаржыландырудың ене бастағанына 8 жылдай болды. Бірақ, ислам банкингі осы уақыт ішінде тамыр жайып кете алмай отыр. Оның себебі, нормативтік-құқықтық базаның дұрыс жетілмеуі, әрекет етуші заңдарға ғана толықтырулар мен өзгертулер енгізіп шектеліп отырмыз. Өз алдына исламдық қаржыландыруды реттейтін арнайы заң қабылдау қажеттілігі бүгінгі заман талабы екені сөзсіз. Сонымен қатар, осы аядағы мамандардың жетіспеуі, жалпы алғанда, исламдық қаржыландыру мәселесі бүгінгі күні халыққа дұрыс насихатталмай отыр.

Г.ҚУАНАЛИЕВА,
заң факультетінің «Кеден, қаржы және
экологиялық құқық» кафедрасының профессоры.
Г. ШУЛАНБЕКОВА,
аға оқытушы.

СТУДЕНТТЕР АРАСЫНДА ӨТКЕН АЙТЫС

Әл-Фараби атындағы ҚазҰУ-дің журналистика факультеті ЮНЕСКО, халықаралық журналистика және қоғамдық медиа кафедрасының ұйымдастыруымен студенттер арасында Тәуелсіздіктің 25 жылдығына арналған республикалық «Тәуелсіздік тағылымы» атты акындар айтысын өткізді. Айтысқа Сүлеймен Демирель атындағы университеттің 4-курс студенті Алтынбек Ибрагимов, Қазақ гуманитарлық заң университетінің 1-курс магистранты Данияр Алдабергенов, Павлодардан инновациялық Еуразия университетінің 4-курс студенті Абзал Ибрашев, С.Торайғыров атындағы Павлодар мемлекеттік университетінің 2-курс студенті Мәрес Байрон, Семейден Шәкәрім атындағы мемлекеттік университетінің студенті Манарбек Сатыбалдин, Абай атындағы Қазақ Ұлттық педагогикалық университетінің 2-курс студенті Айгана Қайсарбекқызы, Еуразия гуманитарлық институтының 4-курс студенті Танжарық Ержан мен Л.Гумилев атындағы Еуразия ұлттық университетінің 3-курс студенті Қайрат Нұрқанат, Қыздар педагогикалық университетінің 1-курс студенті – Жібек Шахмардан және аталмыш оқу орнының журналистика факультетінің 3-курс студенті Айтбек Тұрсынбаев, филология және әлем тілдері факультетінің 2-курс студенті Саягүл Бірлесбекқызы, философия және саясаттану факультетінің 4-курс студенті Ақниет Жұбанышевтар қатысты. Шараға факультет деканы С.Медеубек, А. Кастеев атындағы бейнелеу өнері және техникалық дизайн мектебінің директоры Ханзада Есенова, Халықаралық «Алаш» әдеби сыйлығының иегері, акын Жарас Сәрсек, факультеттің ұстаздары Серік Жұмабекұлы мен Қосылған Әбжановтар әділқазылық жасады.

Айтысқа қатысқан 6 жұптың қай-қайсыда осал емес, тақырыпты жақсы аша білді. Ерекше өнер көрсетіп, талқырлығымен де, суырыпсалмалығымен көзге түскен екі жұпты ерекше атап өткен жөн. Танжарық пен Жібек жағымды әзіл-қалжыңмен жараса отырып, қыз бен жігіт айтысының жақсы үлгісін жасай білді. Қайрат пен Айтбек бір-бірін Тәуелсіздік туралы тереңнен толғап, айтыс алаңында талай сынақтан өтіп, жақсы шыңдаландықтарын көрсетті.

– ЮНЕСКО тарапынан белгіленген «поэзия күніне» орайластырылып отырған айтысты өткізудегі мақсат – егеменді еліміздегі студент-жастардың Тәуелсіздіктен кейін қол жеткізген толымды табыстарын, жеткен жетістіктерін, шыққан биіктерін, қарышты қадамын, төл өнеріміз – айтыс арқылы жырлау. Өскелең ұрпақты Отанын, елін, жерін, ұлттық құндылығын сүюге тәрбиелеу, – дейді осы шараны ұйымдастыруға мұрындық болып жүрген кафедра меңгерушісі Назгүл Шыңғысова.

Қазақтың төл өнері – айтысты ҚазҰУ-дей білімнің кара шаңырағында қайта жаңғыртып жатқан журналистика факультетінің басшылығына және демеушілік жасаған жеке кәсіпкерлер – Дәурен Қалымбетұлы, Толқын Ақанұлы, Ғадилет Нәбиұлына, өзіміздің университетіміздің түлектері 5 жыл бұрын негізін қалаған «Көркем фильм» компаниясына, осы компанияның демеушілік етуіне мұрындық болған «Свобода слова» газетінің бас редакторы Жанна Ойшыбаеваларға алғысымыз шексіз.

Кұлайым МАМЫРОВА,
журналистика факультетінің аға оқытушысы.